



Tužilaštvo - Tužiteljstvo Bosne i Hercegovine
Тужилаштво Босне и Херцеговине

Broj: A-258/20

Datum: 28.08.2020. godine

Na osnovu člana 69. i 70. Zakona o javnim nabavkama Bosne i Hercegovine („Službeni glasnik BiH“, broj: 39/14) i člana 34. Pravilnika o javnim nabavkama Tužilaštva – Tužiteljstva BiH broj: A-97/17 od 25.05.2017. godine, glavni tužilac Tužilaštva – Tužiteljstva BiH donosi

ODLUKU
o izboru najpovoljnijeg ponuđača

Član 1.
(Predmet odluke)

Ugovor o nabavci za LOT2 – Usluge servisiranja i održavanja službenih vozila za potrebe Tužilaštva – Tužiteljstva Bosne i Hercegovine, marke Jeep, dodjeljuje se ponuđaču **A.C.I. d.o.o. Sarajevo**.

Član 2.
(Kriterij za dodjelu ugovora)

- (1) Ponuda ponuđača iz člana 1. ove odluke zadovoljava sve uslove utvrđene u predmetnoj Tenderskoj dokumentaciji za dostavu ponuda.
- (2) Ponuđaču iz člana 1. ove odluke, ugovor će biti dodijeljen u skladu sa elementima Ponude, te uslovima i kriterijima utvrđenim u Obavještenju o nabavci i Tenderskoj dokumentaciji.

Član 3.
(Stupanje na snagu)

Ova odluka stupa na snagu datumom donošenja.

Obrazloženje

Postupak javne nabavke pokrenut je Odlukom o pokretanju postupka javne nabavke broj: A-258/20 od 01.07.2020. godine. Javna nabavka je provedena putem otvorenog postupka. Procijenjena vrijednost javne nabavke za LOT 2 je 25.641,03 KM bez PDV-a.

Obavještenje o nabavci je objavljeno na web portalu: <https://ejn.gov.ba/>, broj obavještenja: 435-1-2-180-3-13/20 od 03.07.2020. godine. Do krajnjeg roka za dostavu ponuda, na Protokol Tužilaštva – Tužiteljstva BiH zaprimljene su dvije uredno zapečaćene i neotvorene ponude ponuđača: A.C.I.

d.o.o. Sarajevo sa ponuđenom cijenom od 8.600,00 KM bez PDV-a i Hyundai Auto BH d.o.o. Sarajevo sa ponuđenom cijenom od 7.738,20 KM bez PDV-a.

Na osnovu Odluke o imenovanju Komisije za provođenje postupaka javnih nabavki Tužilaštva-Tužiteljstva BiH za 2020. godinu, broj: A-450/19 od 26.12.2019. godine i A-450-1/19 od 31.03.2020. godine, članovi Komisije (u daljem tekstu: Komisija) izvršili su pregled i ocjenu ponude i utvrdili su sljedeće:

- Analizom zaprimljenih dviju ponuda utvrđeno je da ponuda ponuđača Hyundai Auto BH d.o.o. Sarajevo ne ispunjava uslove za kvalifikaciju navedene u tenderskoj dokumentaciji ugovornog organa, iz razloga što ponuda nije čvrsto uvezana, niti je osigurana jamstvenikom, odnosno ponuda je dostavljena u plastičnoj fascikli sa metalnim mehanizmom, što ne osigurava zaštitu od naknadnog vađenja ili umetanja listova. Jednako ponuđač traženi primjerak kopije ponude nije dostavio u odvojenom uvezu, nego su i original i fotokopija određenih dijelova originala dostavljeni u opisanom jednom neodgovarajućem uvezu, bez posebne oznake kojom bi se napravila distinkcija između originalnog i kopiranog primjerka ponude. Naime, primjerci originala i kopije ponude trebali su biti dostavljeni u zasebnim uvezima, pri čemu se odredba iz tenderske dokumentacije o zajedničkom dostavljanju odnosi na njihovo dostavljanje u istoj, tj. zajedničkoj koverti, a ne u zajedničkom uvezu. Također, ponuđač Hyundai Auto BH d.o.o. Sarajevo nije dostavio Aktuelni izvod iz sudskog registra ili dokument o registraciji u osnovnom tekstu, sa svim kasnijim izmjenama i dopunama. Ponuđač Hyundai Auto BH d.o.o. Sarajevo je dostavio rješenje o izmjenama podataka od 12.07.2013. godine, Općinski sud u Sarajevu. Navedeno ne predstavlja valjan dokaz o registraciji u odgovarajućem registru, kako je zahtjevano tačkom 3.1.2. tenderske dokumentacije, iz razloga što je tenderskom dokumentacijom tražen ili Aktuelni izvod iz sudskog registra ili dokument o registraciji u osnovnom tekstu, sa svim kasnijim izmjenama i dopunama. Dostavljeno rješenje o izmjenama podataka u tom smislu ne predstavlja Aktuelni izvod iz sudskog registra, a predstavlja samo jednu od izmjena i dopuna dokumenta o registraciju u osnovnom tekstu, što znači da ne ispunjava, kao što je navedeno kvalifikatorni zahtjev iz tenderske dokumentacije. Oba navedena propusta su u tenderskoj dokumentaciji navedeni kao eliminatorni, tj. kao razlog za neispunjavanje uslova za kvalifikaciju od strane ponuđača. Iz navedenih razloga ponuđač Hyundai – Auto BH d.o.o. Sarajevo je od strane komisije isključen iz daljnjeg postupka javne nabavke.

- U obrascu za ponudu ponuđač A.C.I. d.o.o. Sarajevo je pod tačkom 6a u pogledu primjene preferencijalnog tretmana domaćeg zaokružio opciju da je isti domaći privredni subjekt sa sjedištem u BiH i da su najmanje 50% radne snage rezidenti BiH, te da stoga njegova ponuda potpada pod odredbe o preferencijalnom tretmanu domaćeg. Uvidom u dokaze dostavljene za navedeno, proizilazi da je ponuđač dostavio akt Poreske uprave FBiH od 25.06.2020. godine – Lista osiguranih lica za obaveznika, koja sadrži 20 imena osiguranika sa opisom njihove stručne spreme i datumom početka osiguranja. Međutim, iz navedenog akta ugovorni organ nije u stanju zaključiti da li su isti rezidenti BiH, zbog čega opisani akt ne može smatrati valjanim dokazom za postojanje prava na ostvarivanje preferencijalnog tretmana domaćeg. Međutim, navedeno za predmetni postupak nije relevantno u praktičnom smislu iz razloga što se ostvarivanje pogodnosti po osnovu preferencijalnog tretmana domaćeg koristi samo u slučaju postojanja više kvalifikovanih ponuda ponuđača, radi rangiranja njihovih cijena ponuda, što u ovom postupku nije slučaj iz razloga što je ponuđač A.C.I. d.o.o. Sarajevo jedini kvalifikovani ponuđač.

- Nakon izvršene računске provjere utvrđeno je da u ponudi ponuđača A.C.I. d.o.o. Sarajevo postoji računska greška, te je Komisija u skladu sa članom 5.9 tenderske dokumentacije, dana 26.08.2020. godine ponuđaču uputila Zahtjev za prihvatanje ispravke računске greške. Dana 27.08.2020. godine ponuđač A.C.I. d.o.o. Sarajevo je prihvatio ispravku računске greške.

- Nakon izvršenog pregleda Komisija je utvrdila da ponuda ponuđača A.C.I. d.o.o. Sarajevo u potpunosti ispunjava uslove za nabavku predmetnih usluga.

S obzirom da je primljena samo jedna kvalifikovana ponuda ugovorni organ neće zakazati e-aukciju, već će se postupak okončati u skladu sa članom 69. Zakona o javnim nabavkama.

Shodno navedenom, članovi Komisije su uputili preporuku glavnom tužiocu Tužilaštva-Tužiteljstva Bosne i Hercegovine donošenje odluke o dodjeli ugovora ponuđaču A.C.I. d.o.o. Sarajevo, čija ponuda u potpunosti ispunjava uslove za nabavku predmetnih usluga.

Uzimajući u obzir navedeno, odlučeno je kao u dispozitivu ove odluke.

Pouka o pravnom lijeku

Žalba se izjavljuje Uredu za razmatranje žalbi Bosne i Hercegovine putem Tužilaštva – Tužiteljstva Bosne i Hercegovine u pisanoj formi u tri primjerka neposredno, elektronskim putem ili preporučenom poštanskom pošiljkom u roku od deset dana od dana prijema ove odluke.

 **GLAVNI TUŽILAC**
TUŽILAŠTVA – TUŽITELJSTVA BIH


Gordana Tadić

Dostavljeno:

- Ponuđačima;
- Odjelu za mat.-fin. poslove.